

摘藻堂四庫全書薈要

集部

欽定四庫全書薈要

御選歷代詩餘卷二十九目錄

蝶戀花 上

南唐李煜

馮延巳 十二首

丁謂 二首

晏殊 六首

宋祁

歐陽修 十四首

晏幾道 十三首

張先 二首

柳永 二首

蘇軾 十三首

秦觀

陳師道

李之儀 三首

賀鑄 四首

毛滂 八首

杜安世 四首

王詵

舒亶 二首

趙令時

秦觀

葛勝仲 三首

周紫芝

謝逸

周邦彥
十首

曹組

御選歷代詩餘卷三十九目錄

欽定四庫全書薈要卷二萬七百十七

集部

御選歷代詩餘卷三十九

六十字

蝶戀花

上

雙調六十字一名黃金縷一名鳳樓梧一名鵲踏
枝一名一羅金一名魚水同歡一名捲珠簾一名
明月生
南浦

蝶戀花

南唐李煜

遙夜亭皋閒信步纔過清明漸覺傷春暮數點雨聲風
約住朦朧澹月雲來去
桃李依依香暗度誰在秋千

笑裏輕輕語一片芳心千萬緒人間沒箇安排處

前調

馮延巳

梅落繁枝千萬片猶自多情學雪隨風轉昨夜笙歌容易散酒醒添得愁無限樓上春寒山四面過盡征鴻暮景煙深淺一晌凭闌人不見紅綃掩淚思量徧

前調

馮延巳

秋入蠻蕉風半裂狼藉池塘雨打踈荷折遶砌蛩聲芳草歇愁腸學盡丁香結回首西南看晚月孤鴈來時

塞管聲鳴咽歷歷前歡無處說闕山何日休離別

前調

馮延巳

牕外寒雞天欲曙香印成灰起坐渾無緒簷際高梧凝
宿霧捲簾雙鵲驚飛去屏上羅衣閒繡縷一晌闌情
憶偏江南路夜夜夢魂休謾語已知前事無尋處

前調

馮延巳

蕭索清秋珠淚墜枕簟微涼展轉渾無寐殘酒欲醒中
夜起月明如練天如水階下寒聲啼絡緯庭樹金風

悄悄重門閉可惜舊歡攜手地思量一夕成憔悴

前調

馮延巳

煩惱韶光能幾許腸斷魂銷看却春還去祇喜牆頭靈
鵲語不知青鳥全相誤心若垂楊千萬縷水閣花飛
夢斷巫山路開眼新愁無問處珠簾錦帳相思否

前調

馮延巳

霜落小園瑤草短瘦葉和風惆悵芳時換舊恨年年愁
不管朦朧如夢空腸斷獨立荒池斜日岸牆外遙山

隱隱連天漢，忽憶當年歌舞伴。
晚來雙臉啼痕滿。

前調

馮延巳

芳草滿園花滿目，簾外微微細雨籠庭竹。
楊柳千條珠翠澁，碧池波皺鴛鴦浴。
窈窕人家顏似玉，絃管泠泠齊奏雲和曲。
公子歡筵猶未足，斜陽不用相催促。

前調

馮延巳

幾度鳳樓同飲宴，此夕相逢却勝當時見。
低語前歡頻轉面，雙眉斂恨春山遠。
蠟燭淚流羌笛怨，偷整羅衣

欲唱情猶嬾醉裏不辭金盞滿陽關一曲腸千斷

前調

馮延巳

幾日行雲何處去忘了歸來不道春將暮百草千花寒
食路香車繫在誰家樹淚眼倚樓頻獨語雙燕飛來
陌上相逢否撩亂春愁如柳絮悠悠夢裏無尋處

前調

馮延巳

粉映牆頭寒欲盡宮漏長時酒醒人猶困一點春心無
限恨羅衣印滿啼妝粉柳暗花飛寒食近陌上行入

杳不傳芳信樓上重簷山隱隱東風盡日吹蟬鬢

前調

馮延巳

六曲闌干偎碧樹楊柳風輕展盡黃金縷誰把鈿箏移
玉柱穿簾海燕雙飛去滿眼游絲兼落絮紅杏開時
一霎清明雨濃睡覺來鶯亂語驚殘好夢無尋處

前調

馮延巳

誰道閒情拋棄久每到春來惆悵還依舊日日花前常
病酒不辭鏡裏朱顏瘦河畔青蕪堤上柳為問新愁

何事年年有獨立小橋風滿袖平林新月人歸後

前調

丁謂

十二層樓春色早三殿笙歌九陌風光好堤柳岸花連
複道玉梯相對開蓬島鶯囀喬林魚在藻太液微波
綠鬪王孫草南闕萬人瞻羽葆後天祝聖天難老

前調

丁謂

朱闕玉城通閬苑月桂星榆春色無深淺簫瑟篴笙仙
客宴蟠桃花滿蓬萊殿九色明霞裁羽扇雲霧為車

鸞鶴驂雕輦路指瑤池歸去晚壺中日月如天遠

前調

晏殊

一霎秋風驚畫扇
豔粉嬌紅尚拆荷花面
草際露垂蟲響
徧珠簾不下留歸燕
埽掠亭臺開小院
四座清歡
莫放金杯淺
龜鶴命長松壽遠
陽春一曲情千萬

前調

晏殊

紫菊初生朱槿墜
月好風清漸有中秋意
更漏乍長天似水
銀屏展盡遙山翠
繡幕卷波香引穗
急管繁絃

共愛人間瑞滿酌玉杯
縈舞袂長春祝壽千千歲

前調

晏殊

南鴈依稀迴側陣
雪霽牆陰偏覺蘭芽嫩
中夜夢餘消酒困
爐香卷穗燈生暈
急景流年都一瞬
往事前歡未免縈方寸
臘後花期知漸近
寒梅已作東風信

前調

晏殊

檻菊愁煙蘭泣露
羅幙輕寒燕子雙飛去
明月不諳離恨苦
斜光到曉穿朱戶
昨夜西風凋碧樹
獨上高樓

望盡天涯路欲寄彩鸞無尺素山長水闊知何處

前調

晏殊

簾幕風輕雙語燕午睡醒來柳絮飛撩亂心事一春猶
未見餘花落盡青苔院百尺朱樓閒倚徧薄雨濃雲
底事遮人面消息未知歸早晚斜陽只送平波遠

前調

晏殊

紫府羣仙名籍秘五色斑龍暫降人間媚海變桑田都
不記蟠桃一熟三千歲露滴彩旌雲遶袂誰信壺中

別有笙歌地門外落花隨水逝相看莫惜尊前醉

前調

宋 祁

繡幕茫茫羅帳捲春睡騰騰困入嬌波慢慢隱隱枕痕留
玉臉膩雲斜溜釵頭燕遠夢無端歡又散淚落臙脂
界破蜂黃淺整了翠鬟勻了面芳心一寸情何限

前調

歐陽修

簾幕東風寒料峭雪裏梅香先報春來早紅蠟枝頭雙
燕小金刀剪綵呈纖巧旋暖金爐熏蕙藻酒入橫波

困不禁煩惱繡被五更春睡好羅幃不覺紗牕曉

前調

歐陽修

庭院深深深深幾許楊柳堆煙簾幕無量數玉勒雕鞍遊
冶處樓高不見章臺路雨橫風狂三月暮門掩黃昏
無計留春住淚眼問花花不語亂紅飛過秋千去

前調

歐陽修

臘雪初消海棠綻梅雪相和喜鵲穿花轉睡起夕陽迷
醉眼新愁長向東風亂瘦覺玉肌羅帶緩紅杏梢頭

二月春猶淺望極不來芳信斷音書縱有爭如見

前調

歐陽修

海燕雙來歸畫棟簾影無風花影頻移動半醉騰騰春
睡重綠鬟堆枕香雲擁翠被雙盤金縷鳳憶得前春
有箇人人共花裏黃鶯時一啜日斜驚起相思夢

前調

歐陽修

面旋落花風蕩漾柳重煙深雪絮飛來往雨後輕寒猶
未放春愁酒病成惆悵枕畔屏山圍碧浪翠被華燈

夜夜空相向寂寞起來寒繡幌月明正在梨花上

前調

歐陽修

永日環堤乘綵舫煙草蕭疎恰似晴江上水浸碧天風
皺浪菱花荇蔓隨雙槳紅粉佳人翻麗唱驚起鴛鴦
兩兩飛相向且把金尊傾美釀休思往事成惆悵

前調

歐陽修

越女採蓮秋水畔窄袖輕羅暗露雙金釧照影摘花花
似面芳心只共絲爭亂
鴻鴈灘頭風浪晚霧重煙輕

不見來時伴
隱隱歌聲歸棹遠
離愁引著江南岸

前調

歐陽修

水浸秋天風皺浪
縹緲仙舟只似秋天上
和露採蓮愁
一晌看花却是啼妝樣
折得蓮莖絲未放
蓮斷絲牽
特地成惆悵
歸棹莫愁花蕩漾
江頭有箇人相望

前調

歐陽修

梨葉初紅蟬韻歇
銀漢風高玉管聲淒切
枕簟乍涼銅
漏徹誰教社燕輕離別
草際蟲吟秋露結
宿酒醒來

不記歸時節多少衷腸猶未說珠簾夜夜朦朧月

前調

歐陽修

翠苑紅芳晴滿目綺席流鶯上下長相逐紫陌閒隨金
轆轤馬蹄踏徧春郊綠一覺年華春夢促往事悠悠
百種尋思足煙雨滿樓山斷續人間倚徧闌干曲

前調

歐陽修

小院深深門掩亞寂寞珠簾畫閣重重下欲近禁煙微
雨罷綠楊深處秋千挂傳粉狂遊猶未捨不念芳時

眉黛無人畫薄倖未歸春去也杏花零落香紅謝

前調

歐陽修

欲過清明煙雨細小檻臨牕點點殘花墜梁燕語多驚
曉睡銀屏一半堆香被新歲風光如舊歲所恨征輪
漸漸程迢遞縱有遠情難寫寄何妨解有相思淚

前調

歐陽修

畫閣歸來春又晚燕子雙飛柳軟桃花淺細雨滿天風
滿院愁眉斂盡無人見獨倚闌干心緒亂芳草芊緜

尚憶江南岸風月無情人暗換舊遊如夢空腸斷

前調

歐陽修

嘗愛西湖春色早臘雪方銷已見桃開小頃刻光陰都
過了如今綠暗紅英少且趁餘花謀一笑況有笙歌
豔態相縈繞老去風情應不到憑君剩把芳尊倒

前調

晏幾道

卷絮風頭寒欲盡墜粉飄紅日日香成陣新酒又添殘
酒困今春不減前春恨蝶去鶯飛無處問隔水高樓

望斷雙魚信惱亂橫波秋一寸斜陽只與黃昏近

前調

晏幾道

初撚霜絢生悵望隔葉鶯聲似學秦娥唱午睡醒來慵
一晌雙紋翠簾鋪寒浪雨罷蘋風吹碧漲脈脈荷花
淚臉紅相向斜貼綠雲新月上彎環正是愁眉樣

前調

晏幾道

庭院碧苔紅葉偏金菊開時已近登高宴日日露荷凋
綠扇粉塘煙水澄如練試倚涼風醒酒面鴈字來時

恰向層樓見幾點護霜雲影轉誰家蘆管吹秋怨

前調

晏幾道

喜鵲橋成催鳳駕天為歡遲乞與初涼夜乞巧雙蛾如意畫玉鉤斜傍西南挂分鈿擘釵涼葉下香袖凭肩誰記當時話路隔銀河猶可借世間離恨何年罷

前調

晏幾道

碧草池塘春又晚小葉風嬌尚學娥妝淺雙燕來時還念遠珠簾繡戶楊花滿綠柱頻移絃易斷細看秦箏

正似人情短一曲啼鳥心緒亂紅顏暗與流年換

前調

晏幾道

夢入江南煙水路行盡江南不與離人遇睡裏銷魂無
說處覺來惆悵佳期誤欲盡此情書尺素浮鴈沉魚
終了無憑據却倚鴟絃歌別緒斷腸移破秦箏柱

前調

晏幾道

醉別西樓醒不記春夢秋雲聚散真容易斜月半牕還
少睡畫屏閒展吳山翠衣上酒痕詩裏字點點行行

總是淒涼意紅燭自憐無好計夜寒空替人垂淚

前調

晏幾道

千葉早梅誇百媚笑面凌寒內樣妝先試月臉冰肌香
細膩風流新稱東君意一稔年光春有味江北江南
更有誰相比橫玉聲中吹滿地好枝長恨無人寄

前調

晏幾道

金剪刀頭芳意動綵絲開時不怕朝寒重晴雪半消花
鬢曉妝呵盡香酥凍十二樓中雙翠鳳緲緲歌聲

記得江南弄醉舞春風誰可共秦雲已有鴛屏夢

前調

晏幾道

笑豔秋蓮生綠浦紅臉青腰舊識凌波女
照影弄妝嬌欲語西風豈是繁華主
可恨良辰天不與纔過斜陽又值黃昏雨
朝落暮開空自許竟無人解知心苦

前調

晏幾道

碧落秋風吹玉樹翠節紅旌晚過銀河路
休笑星機停弄杼鳳幃已在雲深處
樓上金鍼穿繡縷誰管天邊

隔歲分飛苦試等夜闌尋別緒淚痕千點羅衣露

前調

晏幾道

碧玉高樓臨水住紅杏開時花底曾相遇一曲陽春春
已暮曉鶯聲斷朝雲去遠水來從樓下路過盡流波
未得魚中素月細風尖垂柳渡夢魂長在分襟處

前調

晏幾道

黃菊開時傷聚散曾記花前共說深深願重見金英人
未見相思一夜天涯遠羅袖同心閒結偏帶易成雙

人恨成雙晚欲寫彩箋書別怨淚痕早已先書滿

前調

張先

移得綠楊栽後院學舞宮腰二月青猶短不比灞陵多
送遠殘絲亂絮東西岼幾葉小眉寒不展莫唱陽關
真箇無腸斷分付與春春細看條條盡是離人怨

前調

張先

密宴未休池館暮天漢沉沉借得春光住紅翠鬪為長
袖舞香檀拍過驚鴻翥明日不知花在不今夜圓蟾

後夜憂風雨可惜歌雲容易去東城楊柳來時路

前調

柳永

簾下清歌簾外宴雖愛新聲不見如花面牙板數敲珠
一弗梁塵暗落琉璃盞桐樹流聲孤鳳怨漸遏遙天
不放行雲散座上少年聽未慣玉山將倒腸先斷

前調

柳永

獨倚危樓風細細望極離愁黯黯生天際草色山光殘
照裏無人會得凭欄意也擬疎狂圖一醉對酒當歌

彊樂還無味衣帶漸寬終不悔為伊消得人憔悴

前調

蘇軾

花褪殘紅青杏小燕子飛時綠水人家遶枝上柳絲吹
又少天涯何處無芳草牆裏秋千牆外道牆外行人
牆裏佳人笑笑漸不聞聲漸悄多情却被無情惱

前調

蘇軾

一顆櫻桃樊素口不愛黃金只愛人長久學畫鴉兒猶
未就眉尖已作傷春皺撲蝶西園隨伴走花落花開

漸解相思瘦破鏡重圓人在否章臺折盡青青柳

前調

蘇軾

雨過春容清更麗只有離人幽恨終難洗北固山前三
面水碧瓊梳擁青螺髻一紙鄉書來萬里問我何年
真箇成歸計白首送春撩一醉東風吹破千行淚

前調

暮春別
李公擇

蘇軾

簌簌無風花自妥寂寞園林柳老櫻桃過落日多情還
照座山青一點橫雲破路盡河迴千轉柁繫纜漁邨

月暗孤燈火憑仗飛魂招楚些我思君處君思我

前調

密州
上元

蘇軾

燈火錢塘三五夜明月如霜照見人如畫帳底吹笙香
吐麝此般風味應無價寂寞山城人老也擊鼓吹簫
乍入農桑社火冷燈稀霜露下昏昏雪意雲垂野

前調

密州文安
國席上

蘇軾

簾外東風交雨霰簾裏佳人笑語如鶯燕深惜今年正
月暖燈光酒色搖金盞揜鼓漁陽搥未徧舞褪瓊釵

汗濕香羅軟，今夜何人吟。古怨清詩未就，冰生研

前調

過漣水贈趙晦之

蘇軾

自古漣漪佳絕地，遶郭荷花欲把吳興比。倦客塵埃何處洗，真君堂下寒泉水。左海門前酤酒市，夜半潮來月下孤舟起。傾蓋相逢拚一醉，雙鳬飛去人千里。

前調

蘇軾

春事闌珊芳草歇，客裏風光又過清明節。小院黃昏人憶別，落紅處處聞啼鴂。咫尺江山分楚越，目斷魂消

應是音塵絕夢破五更心欲折角聲吹落梅花月

前調

蘇軾

記得畫堂初會遇好夢驚迴望斷高唐路燕子雙飛來
又去紗牕幾度春光暮那日繡簾相見處低眼佯行
笑整香雲縷斂盡春山羞不語人前深意難輕訴

前調

蘇軾

昨夜秋風來萬里月上屏幃冷透人衣袂有客抱衾愁
不寐那堪玉漏長如歲羈舍留連歸計未夢斷魂消

一枕相思淚衣帶漸寬無別意新書報我添憔悴

前調

蘇軾

玉枕冰寒消暑氣碧簟紗幮向午朦朧睡鶯舌惺忪如
會意無端畫扇驚飛起雨後初涼生水際人面桃花
的的遙相似眼看紅芳猶抱蕊叢中已結新蓮子

前調

蘇軾

雨霰疎疎經潑火巷陌秋千猶未清明過杏子梢頭香
蕾破澹紅褪白臘脂泥苦被多情相折挫病緒厭厭

渾似年時箇逴徧迴廊還獨坐月籠雲暗重門鎖

前調

蘇軾

蝶嬾鶯慵春過半花落狂風小院殘紅滿午醉未醒紅
日晚黃昏簾幙無人卷雲鬢鬢鬆眉黛淺總是愁媒
欲訴誰消遣未信此情難繫絆楊花猶有東風管

前調

秦觀

曉日窺軒雙燕語似與佳人共惜春將暮屈指豔陽都
幾許可無時霎閒風雨流水落花無問處只有飛雲

冉冉來還去持酒勸雲雲且住憑君礙斷春歸路

前調

送彭舍人罷徐州

陳師道

九里山前千里路流水無情只送行人去路轉河迴寒
日暮連峰不許重回顧水解隨人花却住衾冷香銷
但有殘妝汚淚入長江空幾許雙鴻一抹無尋處

前調

李之儀

天澹雲閒晴晝永庭戶深沉滿地梧桐影骨冷魂清如
夢醒夢回猶是前時景取次杯盤催酩酊醉帽頻敲

又被風吹正踏月歸來人已靜恍疑身在蓬萊頂

前調

李之儀

玉骨冰肌天所賦似與神仙來作煙霞侶枕畔拈來親
手付書牕終日常相顧幾度離披留不住依舊清香
只欠能言語再送神仙須愛護他時却待親來取

前調

李之儀

為愛梅花如粉面天與工夫不似人間見幾度拈來親
比看工夫却是花枝淺見得歸來臨几硯盡日相看

默默情無限更不與時須百徧分明銷得人腸斷

前調

賀鑄

桃葉園林風日好曲逕珍叢處處聞啼鳥翠珥金丸委
芳草韞羅塵動香裙埽片帆乘興來須早每話長安
引領猶西笑離索年多故人少江南有鴈無書到

前調

賀鑄

排辦張燈春事早十二都門物色宜新曉金犢車輕玉
驄小拂頭楊柳穿馳道尊羹鱸膾非吾好去國謳吟

半落江南調滿眼青山恨西照長安不見令人老

前調

賀鑄

睡鴨爐寒熏麝煎寂寂歌梁無計留歸燕十二曲欄閒
倚徧一杯長待何人勸不識當年桃葉面吟詠佳詞
想像猶曾見兩漿往東風與便潮平月上江如練

前調

賀鑄

小院朱扉開一扇內樣新妝鏡裏分明見睂暈半深脣
注淺朶雲冠子偏宜面被掩芙蓉熏麝煎簾影沉沉

祇有雙飛燕心事向人猶覩腆強來牕下尋紅綫

前調

聽周生鼓琵琶

毛滂

聞說君家傳窈窕秀色天真更奪丹青妙細意端相都
總好春愁春媚生顰笑瑤玉風前金鳳小那事殷勤
總托琵琶道十二峰雲遮醉倒華燈翠帳花相照

前調

秋晚東歸留吳甚久

毛滂

江接寒溪家已近想見秋來松菊荒三徑自送吳山秋
色盡星星却入雙蓬鬢鳬短鶴長真箇定勛業來遲

不用頻看鏡嬾出問人人不問綠尊倒盡橫書枕

前調

寒秀
亭梅

毛滂

相見江南情不少爾許多時怪得無消耗澹日暖雲勾
引到闌干寂寞憐春小宮面可忺勻畫了粉瘦酥寒
一段天真好喚起玉兒嬌睡覺半山殘月南枝曉

前調

寒食

毛滂

紅杏梢頭寒食雨燕子泥新不住飛來去行傍柳陰聞
好語鶯兒穿過黃金縷桑落酒寒杯嬾舉總被多情

做的無情緒春過二分能幾許銀臺新火重簾暮

前調

東堂手栽
牡丹見花

毛滂

三疊闌干鋪碧甃小雨新晴纔過清明後初見花王披
袞繡嬌雲瑞日明春晝彩女朝真天質秀寶髻微偏
風捲霞衣皺莫道東君情最厚韶光半在東堂手

前調

春夜
不寐

毛滂

紅影斑斑吹錦片露葉煙梢寒月娟娟滿更起遶庭行
百遍無人祇有棲鶯見覓箇薄情心對換愁緒偏長

不信春宵短正是碧雲音信斷半衾猶賴香熏暖

前調

和孫使君

毛滂

城上春雲低閣雨漸覺春隨一片花飛去素頸圓吭鶯
燕語不妨緩緩歌金縷墮紀顙綱公已舉但見清風
蕭瑟隨談麈借冠假饒天不許未須忙遣韶華暮

前調

敲枕

毛滂

不雨不晴秋氣味酒病秋懷不做惺忪地初換夾衣圍
翠被薔薇水潤衙香膩旋折秋英餐露蕊金縷蚪團

更試簾泉水幽夢不來尋小睡無言劃盡屏山翠

前調

杜安世

整頓雲鬟初睡起庭院無風盡日簾垂地畫閣巢新燕
聲喜楊花狂散無拘繫近來早是添憔悴金縷衣寬
賽過宮腰細冉冉光陰似流水春殘鶯老人千里

前調

杜安世

池上新秋簾幙卷菡萏嬌紅鏡裏西施面衰柳搖風尚
柔軟眠沙鷗鷺臨清淺新翻歸翅雲間燕滿地槐花

盡日蟬聲亂獨倚闌干暮山遠一場寂寞無人見

前調

杜安世

籬落繁枝千萬片猶自多情似雪隨風轉昨夜笙歌容易散酒醒添得愁無限樓上春雲山四面過盡征鴻暮景煙深淺一晌凭闌人未見紅綃掩淚思量偏

前調

杜安世

惆悵留春留不住欲到清和背我堂堂去飛絮落花和細雨淒涼庭院流鶯度更被閒愁相賺誤夢斷高唐

回首桃源路一晌沈吟無意緒分明往事今何處

前調

王 詵

鐘送黃昏雞報曉昏曉相催世事何時了萬苦千愁人
自老春來依舊生芳草忙處人多閒處少閒處光陰
幾箇人知道獨上高樓雲杳杳天涯一點青山小

前調

賦梅別
公度

舒 亶

雪後江城紅日晚暖入香梢漸覺瓊瓏滿
鬢歸臨風妝半面水晶斜卷誰庭院
折向尊前君細看便是江南

寄我人還遠手把北枝多少怨小樓橫笛吹腸斷

前調

舒 亶

深炷熏爐扃小院手撚黃花尚覺金猶淺回首畫堂雙
語燕無情漸漸看人遠相見爭如初不見短鬢潘郎
陡覺年華換最是西風吹不斷心頭往事歌中怨

前調

趙令時

欲減羅衣寒未去不卷珠簾人在深深處殘杏枝頭花
幾許啼紅止恨清明雨盡日水沉香一縷宿酒醒遲

惱破春情緒飛燕又將歸信誤小屏風上西江路

前調

足司馬才
仲夢中詞

秦觀

妾本錢塘江上住花落花開不管流年度燕子銜將春
色去紗窗幾陣黃梅雨斜插犀梳雲半吐檀板輕敲
唱徹黃金縷夢斷彩雲無覓處夜涼明月生南浦

前調

和王
廉訪

葛勝仲

風過漣漪紋縠細十指香檀驚破交禽睡野蕪溪毛真
易致風流未減蘭亭會擊汰千艘供洛禊映水垂楊

萬縷拖濃翠小海一聲波上戲殷勤留客千金意

前調

照花

葛勝仲

二月春遊須爛漫秉燭看花只為晨曦短高舉蠟薪通
夕看紅光萬丈騰天半寄語平時遊冶伴不負分陰
勝事輸今段燈火休催歸小院殷勤更照桃花面

前調

葛勝仲

已過春分春欲去千炬花間作意留春住一曲清歌無
誤顧繞梁餘韻歸何處盡日勸春春不語紅氣蒸霞

且看桃千樹才子霏譚更五鼓剩看走筆揮風雨

前調

周紫芝

天意纔晴風又雨催得風前日日吹輕絮燕子不飛鶯
不語滿庭芳草空無數春去可堪人也去枝上殘紅
不忍擡頭覷假使留春春肯住喚誰相伴春同處

前調

謝逸

豆蔻梢頭春色淺新試紗衣拂袖東風軟紅日三竿簾
幙卷畫樓影裏雙飛燕攏鬢步搖青玉碾缺樣花枝

葉葉蜂兒顫獨倚闌干凝望遠一川煙草平如翦

前調

柳五首

周邦彥

愛日輕明新雪後柳眼星星漸欲穿牕牖不待長亭傾
別酒一枝已入騷人手淺淺柔黃輕蠟透過盡冰霜
便與春爭秀強對青銅簪白首老來風味難依舊

前調

周邦彥

桃萼新香梅落後葉暗藏鴉冉冉垂亭牖舞困低迷如
著酒亂絲偏近遊人手雨過朦朧斜日透客舍青青

特地添明秀莫話揚鞭回別首渭城荒遠無交舊

前調

周邦彥

小閣陰陰人寂後翠幙寒風燭影搖疎牖夜半霜寒初
索酒金刀正在柔荑手粉薄絲輕光欲透小葉尖新
未放雙眉秀記得長條垂鷁首別離情味還依舊

前調

周邦彥

蠶蠶黃金初脫後暖日飛絲取次黏牕牖不見長條低
拂酒贈行應已輸先手鶯擲金梭飛不透小榭危樓

處處添奇秀何日隋堤繫馬首路長人倦空思舊

前調

周邦彥

晚步芳塘新霽後春意潛來迤邐通牕牖午睡漸多濃
似酒韶華已入東君手嫩綠輕黃成染透燭下工夫
漏洩章臺秀擬插芳條須滿首管教風味還勝舊

前調

早行

周邦彥

月皎驚烏棲不定更漏將闌輾輾牽金井喚起兩眸清
炯炯淚花落枕紅絛冷執手霜風吹鬢影去意徘徊

別語愁難聽樓上闌干橫斗柄露寒人遠雞相應

前調

周邦彥

魚尾霞生明遠樹翠壁黏天玉葉迎風舉一笑相逢蓬
海路人間風月如塵土翦水雙眸雲半吐醉倒天瓢
笑語生青霧此會未闌須記取桃花幾度吹紅雨

前調

周邦彥

美盼低迷情宛轉愛雨憐雲漸覺寬金釧桃李香苞秋
不展深心黯黯誰能見宋玉牆頭纔一覘絮亂絲繁

苦隔春風面歌板未終風色便夢為蝴蝶留芳甸

前調

周邦彥

葉底尋花春欲暮折徧柔枝滿手珍珠露不見舊人空
舊處對花惹起愁無數却倚闌干吹柳絮粉蝶多情
飛上釵頭住若遣郎身如蝶羽芳時爭肯拋人去

前調

周邦彥

酒熟微紅生眼尾半額龍香冉冉飄衣袂雲壓寶釵撩
不起黃金心字雙垂耳愁入睂痕添秀美無限柔情

分付西流水忽被驚風吹別淚只應天也知人意

前調

曹組

簾卷真珠深院靜滿地槐陰鏤日如雲影午枕花前情
思凝象牀冰簟光相映過面風清知酒醒沉水餅寒
帶縵來金井滌盡煩襟無睡興闌干六曲還重凭



御選歷代詩餘卷三十九

總校官庶吉士

臣

張能照

校對官庶吉士

臣

陳文樞

校對官庶吉士

臣

陳墉

謄錄監生

臣

朱麟粹

謄錄監生

臣

薛翰

欽定四庫全書薈要

集部

御選歷代詩餘卷

四十一

詳校官編修臣汪鏞



欽定四庫全書薈要

御選歷代詩餘卷四十目錄

六十
字

蝶戀花

下

王采

王安中

三首

向子諲

王庭珪

趙師俠

二首



趙鼎

曾覲

楊无咎

侯寘

辛棄疾

三首

張孝祥

程垓

二首

真德秀

袁去華

張震

趙彥端

劉儼

陸游

三首

楊炎

三首

黃機

劉鎮

吳禮之

王炎

嚴仁
二首

毛玠

高觀國
三首

史達祖

韓澆
二首

方岳
三首

趙崇礪

方千里

四首

楊澤民

四首

汪暉

馮取洽

盧炳

二首

劉翰

黃昇

吳文英 四首

蔣捷

陳允平 五首

周密

張炎 五首

石孝友 二首

何夢桂

于真人

葛長庚

盧氏

李清照

三首

朱淑真

王庭筠

趙可

景覃

段克己

元好問

二首

盧摯

趙孟頫

汪宗臣

姚雲文

詹正

二首

吳元可

蕭允之

劉天迪

周孚先

張翥

張埜

倪瓚

汪斌

凌雲翰

張雨

明仁宗

楊基
二首

莫璠
十首

吳子孝
七首

薛廷寵

吳鼎芳

陳子龍

孫茂芝

朱盛藻 三首

張倩倩

沈靜專 二首

御選歷代詩餘卷四十目錄

欽定四庫全書薈要卷二萬七百十八

集部

御選歷代詩餘卷四十

六十
字

蝶戀花

下

蝶戀花

梨花

王采

鏤雪成花檀作蕊
愛伴鞦韆搖曳東風裏
翠袖年年寒食淚
為伊牽惹愁無際
幽豔偏宜春雨細
紅粉闌干有箇人
相似鈿合金釵誰與寄
丹青傳得淒涼意

前調

長春
花

王安中

曲徑深叢枝裊裊暈粉揉綿破蕊烘清曉十二番開寒
最好此花不惜春歸早青女飛來紅翠少特地芳菲
絕豔驚衰草只滯東風終甚了久長欲伴姮娥老

前調

山茶花

王安中

巧翦明霞成片片欲笑還顰金蕊依稀見拾翠人寒妝
易淺濃香別注脣膏點竹雀喧喧煙岫遠晚色溟濛
六出花飛徧此際一枝紅綠眩畫工誰寫銀屏面

前調

紅梅花

王安中

青玉一枝紅顆吐粉頰愁寒濃與臙脂傳辨杏猜桃君
莫悞天姿不到風塵處雲破月來花下住要伴佳人
弄影參差舞只有暗香穿繡戶昭華一曲驚吹去

前調

向子諲

洲上百花如錦繡水滿池塘更作濺濺溜斷送風光惟
有酒苦吟不怕因詩瘦尋壑經丘長是久晚晚歸來
稚子柴門候萬事付之醒夢後眉頭不為閒愁皺

前調

王庭珪

瓊海無邊銀浪捲畫戟朱樓縹緲雲間見當日使君曾
擁傳海霞光裏時開讌翠竿紅鱗吹酒面莫謂今朝
人在天涯遠彩鳳銜書應不晚願公難老身長健

前調

趙師俠

柳眼窺春春漸吐又是東風搖曳黃金樹宜入新春聞
好語一犁處處催耕雨未有花鬚金縷縷醉夢悠揚
似蝶翩躚舞一枕仙遊何處去覺來依舊江南住

前調

臨安道
中賦梅

趙師俠

翦水凌虛飛雪片，認得清香雪樹深深見。
傳粉凝酥，明玉豔含章簷下春風面。
照影溪橋情不淺，羌管聲中疊恨傳。
幽怨隴首人歸，芳信斷，萬重雲水江南遠。

前調

趙鼎

盡日東風吹綠樹，向晚輕寒數點催花雨。
年少淒涼天付與，更堪春思縈離緒。
臨水高樓攜酒處，曾倚哀絃歌斷黃金縷。
樓下水流何處去，凭闌目送蒼煙暮。

前調

曾覲

御柳風柔春正暖紫殿朱樓赫奕祥光遠十二玉龍迎
鳳輦香騰錦繡聞絃管扇却雙鸞開寶宴綠遠紅圍
宣勸金卮滿萬歲千秋流寵眷此身欲備昭陽燕

前調

楊无咎

萬里無雲秋色淨上下天光共水交輝映坐對冰輪心
目瑩此身不在塵寰境撲漉文禽飛不定勾引離人
分外添歸興來往悠悠重記省夜闌人散花移影

前調

尋梅

侯寔

雪壓小橋溪路斷獨立無言霧鬢雲鬟亂拂拭冰霜君
試看一枝堪寄天涯遠擬向南鄰尋酒伴折得花歸
醉著歌聲緩姑射夢回星斗轉依然月下重相見

前調

辛棄疾

燕語鶯啼人乍遠却恨西園依舊鶯和燕笑語十分愁
一半翠圍特地春光暖只道春來無過鴈不道柔腸
近日無腸斷柄玉莫搖湘淚點怕君喚作秋風扇

前調

元日
立春

辛棄疾

誰向椒盤簪綵勝整整韶華爭上春風鬢往日不堪重
記省為花常把新春恨春未來時先借問晚恨開遲
早又飄零近今歲花期消息定只愁風雨無憑準

前調

辛棄疾

九畹芳菲蘭佩好空谷無人自怨蛾眉巧寶瑟泠泠千
古調朱絲絃斷知音少冉冉年華吾自老水滿汀洲
何處尋芳草喚起湘纍歌未了石龍舞罷松風曉

前調

張孝祥

漠漠飛來雙屬玉一片秋光染就瀟湘綠雪轉寒蘆花
簌簌晚風細起波紋縠落日孤雲歸意促小倚蓬牕
寫作思歸曲過盡碧灣三十六扁舟只在灘頭宿

前調

程垓

小院秋光濃欲滴獨自鉤簾細數歸鴻翼鴻斷天高無
處覓矮牕催暝蛩催織涼月去人纔數尺短髮蕭騷
醉傍西風立愁眼望天收不得露華衣上三更濕

前調

新柳

程垓

寒意勒花春未足只有東風不管春拘束楊柳滿城吹
又綠可人青眼還相屬小葉星星眠未熟看盡行人
唱徹陽關曲心事一春何計續芳條未展睂先蹙

前調

紅梅

真德秀

兩岸月橋花半吐紅透肌香暗把遊人誤盡道武陵溪
上路不知迷入江南去先自冰霜真態度何事枝頭
點點胭脂污莫是東君嫌澹素問花花又嬌無語

前調

袁去華

細雨斜風催日暮一夢華胥記得驚人句霧閣雲牕歌舞處翠峰青嶂無重數解珮江頭元有路流水茫茫盡日無人度一點相思愁萬縷幾時却跨青鸞去

前調

張震

梅子初青春已暮芳草連雲綠徧西池路小院繡簾纔半舉銜泥紫燕雙飛去人在赤欄橋畔住不解傷心還解相思否清夢欲尋猶間阻紗窗一夜瀟瀟雨

前調

贈別趙邦才席上作

趙彥端

堂外溪橋楊柳畔滿樹東風更著流鶯喚時節清明寒
暖半秦箏欲妒歌珠貫一寸離腸無可斷舊管新收
盡把雙帷卷賴得今年春較晚送人猶有餘紅亂

前調

劉儼

小立東風誰共語碧盡行雲依約蘭皋暮誰問離懷知
幾許一溪流水和煙雨飄蕩楊花無著處纔伴春來
忙底隨春去只恐遊蜂黏得住斜陽芳草江頭路

前調

陸游

陌上簫聲寒食近雨過園林花氣浮芳潤千里斜陽鐘
欲暝憑高望斷南樓信海角天涯行略盡三十年間
無處無遺恨天若有情終欲問忍教霜點相思鬢

前調

陸游

水漾萍根風捲絮倩笑嬌顰忍記逢迎處只有夢魂能
再遇堪嗟夢不由人做夢若由人何處去短帽輕衫
夜夜睂州路不怕銀釭深繡戶只愁風斷青衣渡

前調

陸游

禹廟蘭亭今古路一夜清霜染盡湖邊樹鸚鵡杯深君
莫訴他時相遇知何處
冉冉年華留不住鏡裏朱顏
畢竟消磨去一句叮嚀君記取神仙須是閒人做

前調

別范南伯

楊炎

離恨做成春夜雨添得春江剗地東流去弱柳繫船都
不住為君愁絕聽鳴櫓
君到南徐芳草渡想得尋春
依舊當年路後夜獨憐回首處亂山遮隔無重數

前調

稼軒生間作

楊炎

點檢笙歌多釀酒不放東風獨自迷楊柳院院翠陰停
永晝曲欄隨處堪垂手 昨日解醒今日又消得情懷
長被春僝僽門外馬嘶人去後亂紅不管花消瘦

前調

楊炎

萬點飛花愁似雨峭殺春寒不會留春住滿地亂紅風
埽聚只教燕子銜將去 獨倚闌干閒自覩深院無人
行到無情處簾外絲絲楊柳舞又還裝點人情緒

前調

黃機

碧樹涼颼驚畫扇
牕戶齊開秋意參差滿
先自離愁裁不斷
蛩蛩更作聲聲怨
山遶千重溪百轉
隔了溪山夢也無由見
歸計憑誰占近遠
銀釭昨夜如花糝

前調

七夕

劉鎮

誰送涼蟾消夏暑
河漢迢迢牛女何曾渡
乞得巧來無用處
世間枉費閒鍼縷
人在江南煙水路
頭白鴛鴦不道分飛苦
信遠翻嗔烏鵲誤
屏山暗鎖巫陽雨

前調

吳禮之

滿地落紅初過雨，綠樹成陰紫氣風。
前舞煙草低迷紫，小路晝長人靜局。
朱戶沉水香銷新，剪苧欹枕朦朧。
花底聞鶯語，春夢又還隨柳絮，等閒飛過東牆去。

前調

崇陽縣
圖夜飲

王炎

纖手行杯紅玉潤，滿眼花枝雨過。
臘脂嫩，新月一眉生淺暈。
酒闌無奈添春困，喚起醉魂君莫問。
憔悴容顏羞與花相近，人自無情花自韻。
風光易老何須恨。

前調

快閣

嚴仁

傑閣青紅天半倚，萬里歸舟更近闌。
千樣木落山寒，鳬鴈起一聲漁笛。
滄洲尾，千古文章黃太史，捫蝨高風。
長照冰壺裏，何以薦君秋玉蕊。
癭瓢為酌西江水。

前調

嚴仁

院靜日長花氣暖，一簇嬌紅得見春。
深淺風送生香來，近遠笑聲只在鞦韆畔。
目力未窮腸已斷，一寸芳心更逐游絲亂。
朱戶對開簾卷半，日斜江上春風晚。

前調

毛升

羅幃匆匆曾一過
烏鵲歸來怨感流
年度別袖空看啼
粉汚相思待倩誰
分付殘雪江邨迴
馬路嫋嫋春寒
簾幕空凝佇人在
梅花深處住梅花
落盡愁無數

前調

高觀國

雲喚陰來鳩喚雨
謝了紅梅可踏江
頭路拚却一番花
信阻不成日日春
寒去見說東風桃
葉渡隔岸青山
依舊修眉嫵歸燕
不如箏上柱一行
常見相思苦

前調

題巖室

高觀國

巖室歸來非待聘
渺渺千崖漠漠江
千頃明月清風休
弄影只愁踏破蒼苔徑
摘取香芝醫鶴病
正要矐仙相伴清閒性
朝市不聞心耳靜
一聲長嘯煙霞冷

前調

湖頭
即席

高觀國

西子湖邊眉翠嫵
魂冷孤山誰是風煙主
相喚吟詩天欲雨
嫩涼不隔鷗飛處
移下天孫雲錦渚
翠蓋牽風綽約凌波女
清約已成君記取
月明夜半魚龍舞

前調

史達祖

二月東風吹客袂蘇小門前楊柳如腰細蝴蝶識人遊
冶地舊曾來處花開未幾夜湖山生夢寐評泊尋芳
只怕春寒裏今歲清明逢上巳相思先到濺裙水

前調

韓 澆

盡道今年梅較早梅與人情覺得梅偏好一樹南籬香
未老春風已自生芳草來自城中猶帶曉行到君家
細雨吹池沼悵望沙坑須會到玉溪此意年時少

前調

韓 澆

道上疎梅花一樹人去人來不管流年度閒過南隴同
散步東風為我吹香去 試問青春今幾許明日新正
溪影橫山暮遮莫攀翻君且住心兒却在題詩處

前調

方岳

山抹修眉橫綠淨浦溆生寒立盡梧桐影香炷未銷簾
幙靜醉紅如洗風吹醒 一夜秋聲連玉井夢落孤篷
已盡山陰興戍角淒涼清漏永江南煙雨何堪省

前調

方岳

秋水涵空如鏡淨，滿鏡清寒倒碧搖。山影葯戶誰杼圓，
玉靜碧紗人怯黃昏醒。叢桂小山寒井井，喚起江南
一葉蓴鱸興。先自新愁愁夜永，不堪宋玉重提省。

前調

秋懷

方岳

鴈落寒沙秋惻惻，明月黃花共是江南客。騎鶴樓高邊
羽急，柔情不盡淮山碧。世路只催雙鬢白，菰米蓴羹
正是令人憶。歸夢不知江水隔，煙帆飛過平如席。

前調

趙崇璠

一翦微寒禁翠袂花下重開舊燕添新壘風旋落紅香
匝地海棠枝上鶯飛起薄霧籠春天欲醉碧草澄波
的的情如水料想紅樓挑錦字輕雲澹月人憔悴

前調

柳四首次
周美成韻

方千里

漏洩東風消息後短葉長條著意遮軒牖嫩比鵝黃初
熟酒添勻却費春風手萬縷篩金新月透入夜柔情
還勝朝來秀綵筆雕章知幾首可人襟韻無新舊

前調

方千里

一搦腰支初見後，恰似娉婷十五藏。
朱牖春色惱人濃，抵酒風前脈脈如招手。
黛染修眉蛾綠透，態婉儀閒自是芳。
閨秀堪惜年華同轉首，女郎臺畔春依舊。

前調

方千里

碎玉飛花寒食後，薄影行風終日穿。
疎牖有客思歸還，把酒閒吹倦絮輕黏手。
雪滿愁城寒欲透，飄盡殘英翠幄成穠秀。
張緒風流今白首，少年襟度難如舊。

前調

方千里

翠浪藍光新雨後整整斜斜高下籠牕牖萬斛深傾重
碧酒量愁知落何人手攏霧梳煙晴色透照影回風
一段嫣然秀白下門東空引首藏鴉枝葉長懷舊

前調

柳四首次
周美成韻

楊澤民

臘盡江南梅發後萬點黃金嬌眼初穿牖曾見渭城人
勸酒嫩條輕拂傳杯手料峭東風寒欲透暗點輕煙
便覺添踈秀莫道故人今白首人雖有故心無舊

前調

楊澤民

初過元宵三五後曲檻依依終日搖金牖瘦損舞腰非
為酒長條聊贈垂鞭手 幾葉小梅春已透信是風流
占盡人間秀走馬章臺還舉首可人標韻強如舊

前調

楊澤民

寂寞春殘花謝後花絮輕盈點點穿風牖穠綠陰中人
賣酒涼生午扇都停手 葉密啼鶯飛不透要詠清姿
除是憑才秀往日周郎為唱首今將高韻重翻舊

前調

楊澤民

百卉千花都綻後，
浥露依風翠影籠。
芳牖杏臉桃腮勻，
著酒青紅相映如攜手。
一段簾絲風約透，
高下亭臺表裏俱清秀。
幾度長堤頻矯首，
青青顏色新於舊。

前調

秋夜簡趙尉

汪暉

午夜涼生風小住，
銀漢無聲雲約疎。
星度佳客欲眠知，
未去對牀只欠瀟瀟雨。
素月四更山外吐，
酒醒衾寒消盡沈煙縷。
料想玉樓人倚處，
歸帆目佇煙中浦。

前調

馮取洽

秋到雙溪溪上樹葉葉涼聲未省來何許盡拓溪樓牕
與戶倚闌清夜窺河鼓那得吟朋同此住獨對秋芳
欲寄花無處杖屨相從曾有語未來先自愁君去

前調

盧炳

滿架冰蕤開遍了試問花神留得春多少清勝荀香嬌
韻好謝庭風月應難到酒釀新醅名不老醉倒花前
真箇無煩惱滿座清歡供一笑春醒拚却明牕曉

前調

和人探梅

盧炳

羅幙護寒遮曉霧。愛日烘晴。又是年華暮。瀟灑江梅爭
欲吐。暗香洩漏春來處。何日尋芳溪畔路。挈榼攜筇
寫景論心。素千里相逢真會遇。羨君解道江南句。

前調

劉翰

團扇題詩春又晚。小夢驚殘。碧草池塘滿。一曲銀鈎簾
半捲。綠窓睡足鶯聲軟。瘦損衣圍羅帶減。前度風流
陡覺。心情嬾誰品。新腔拈翠管。畫樓吹徹江南怨。

前調

黃昇

百計留春春不住
褪粉吹香日日催
教去心事欲憑鶯
語訴流鶯
剗地無憑據
綠玉闌干圍綺戶
一點柔紅
應在深深處
想倚翠簾吹柳絮
淺顰惆悵芳期悞

前調

吳文英

明月枝頭香滿路
幾日西風落盡花如雨
倒照秦眉天
鏡古秋明白鷺雙飛舞
自摘霜蔥宜薦俎
可惜重陽
不把黃花與帽墮
笑憑纖手取清歌
莫送秋聲去

前調

題華山
道女扇

吳文英

北斗秋橫雲髻影，鶯羽衣輕，腰減青絲剩。一曲遊仙聞玉磬。月華深院人初定。十二闌干和笑凭。風露生寒。人在蓮花頂。睡重不知殘酒醒。覺來幾度啼鴉暝。

前調七夕

吳文英

開過南枝花滿院。新月西樓，相約同鍼線。高樹數聲蟬送晚。歸家夢向斜陽斷。夜色銀河清一片。輕帳偷歡。銀燭羅屏怨。陳迹曉風吹霧散。簾鉤空帶蛛絲捲。

前調

化度寺晚
蓮有感

吳文英

湘水煙中相見早羅蓋低籠紅拂猶嬌小妝鏡明星爭
晚照西風目送凌波杳惆悵來遲羞窈窕一霎留連
相伴闌干悄今夜西池明月到餘香翠被空秋曉

前調

風蓮

蔣捷

我愛荷花花最軟錦撈雲挨朵朵嬌如顫一陣微風來
自遠紅低欲蘸涼波淺莫是羊家張靜婉抱月飄煙
舞得腰肢倦偷把翠羅香被展無眠却又頻翻轉

前調

柳四首次
周美成韻

陳允平

謝了梨花寒食後翦翦輕寒曉色侵書牖寂寞情懷如
中酒攀條恨結束風手淺黛嬌黃春色透薄霧輕煙
遠映蘇堤秀目斷章臺愁舉首故人應似青青舊

前調

陳允平

牆外鞦韆花影後環獸金懸暗綠籠朱牖為怯輕寒猶
殢酒同心共結懷纖手粉袖盈盈香淚透感損雙眉
嬾畫遙山秀柔弱風條低拂首渭城歌舞春如舊

前調

陳允平

寂寞長亭人別後一把垂絲亂拂閒軒牖三月春光濃
似酒傳杯莫放纖纖手金縷依依紅日透舞徹春風
不減蠻腰秀撲鬢楊花如白首少年張緒心如舊

前調

陳允平

落盡櫻桃春去後舞絮飛絲撲簌穿簾牖惜別情懷愁
對酒翠條折贈勞纖手繡幕深沉寒尚透雨雨晴晴
裝點西湖秀悵望章臺愁轉首畫闌十二東風舊

前調

次周美成韻

陳允平

樓上鐘殘人漸定
庭戶沉沉月落梧桐井
悶倚瑣牕燈
炯炯獸香閒伴銀屏冷
淅瀝西風吹鴈影
一曲秋笳
別後誰堪聽
誓海盟山虛話
柄憑書問著無言應

前調

生香亭

周密

竹窺花深連別墅
曲曲迴廊小小閒庭宇
忽地香來無
覓處杖藜閒趁游蜂去
老桂凝秋森玉樹
澗底孤芳
冉冉吹詩句
一掬幽情知幾許
斜簾半畝藤花雨

前調

贈楊柔卿

張炎

頗愛楊瓊妝澹注猶理螺鬟擾擾髮雲聚雨翦秋痕流
不去佯羞却把周郎顧欲訴閒愁無說處幾過鶯簾
聽得間闌語昨夜月明香暗度相思忽到梅花樹

前調

飲杏
花下

張炎

仙子鋤雲親手種春闌枝頭消得微霜凍可是東風吹
不動金鈴懸網珊瑚重社燕盟鷗詩酒共未足游情
剛把斜陽送今夜定應歸去夢青蘋流水簫聲弄

前調

賦父
花

張炎

巧結分枝黏翠艾翦翦香痕細把泥金界小簇葵榴芳
錦隘紅妝人見應須愛 午鏡將拈開鳳蓋倚醉凝嬌
欲戴還慵戴約臂猶餘朱索在梢頭添掛朱符袋

前調

山茶

張炎

花占枝頭吹日焙金汞初抽火鼎鉛華退還似癡痕塗
獺髓臙脂澹抹微酣醉 數朶折來春檻外欲添清香
只許梅相對不是臨風珠蓓蕾山童隔竹休敲碎

前調

秋鶯

張炎

求友林泉深密處弄舌調簧如問春何許燕子先將雛
燕去淒涼可是歌來暮喬木蕭蕭梧葉雨不似尋芳
翻落花心露認取門前楊柳樹數聲須入新年語

前調

石孝友

寒卸園林春已透紅著溪梅綠染前堤柳見箇人人今
感舊引杯相屬蒲塘酒金縷歌中睂黛皺多少閒愁
惜與傷春瘦明日馬蹄浮野秀柳顰梅慘空回首

前調

石孝友

薄倖人人留不住楊柳花時還是成虛度一枕夢回春
又去海棠吹落顰脂雨金鴨未消香篆吐斷盡柔腸
看取沉煙縷獨上危樓凝望處西山暝色連南浦

前調

何夢桂

風信花殘吹柳絮柳外池塘乳燕時飛度漠漠輕雲山
約住半邨煙樹鳩呼雨竹院深深深幾許深處人間
誰識閒中趣彈徹瑤琴移玉柱蒼苔滿地花陰午

前調

于真人

綠暗紅稀春已暮
燕子銜泥飛入垂楊處
柳絮欲停風不住
杜鵑聲裏山無數
竹杖芒屨無定據
穿過溪南獨木橫
橋路樵子漁師來又去
一川風月誰為主

前調

題愛閣

葛長庚

冷雨疎風涼漠漠
雲去雲來萬里秋
陰薄笑倚玉闌呼
白鶴煙籠素月青天角
竹影松聲渾似昨
醉膽如天誰道詞源涸
滿地蒼苔霜葉落
今宵不飲何時樂

前調

宋媛

盧氏

蜀道青天煙霧翳帝里繁華迢遞何時至回望錦川揮
粉淚鳳釵斜亸烏雲膩綬帶雙垂金縷細玉珮珠璫
露滴寒如水從此鸞妝添遠意畫眉學得遙山翠

前調

宋媛

李清照

淚搵征衣脂粉暖四疊陽關聽了千千徧人到山長水
又斷蕭蕭微雨聞孤館惜別傷離方寸亂忘了臨行
酒盞深和淺若有音書憑過鴈東萊不似蓬萊遠

前調

李清照

永夜厭厭歡意少空夢長安認取長安道為報今年春
色好花光月影宜相照隨意杯盤雖草草酒美梅酸
恰稱人懷抱醉莫插花花莫笑可憐春似人將老

前調

李清照

暖雨和風初破凍柳眼梅腮已覺春心動酒意詩情誰
與共淚融殘粉花鈿重乍試夾衣金縷縫山枕欹斜
枕損釵頭鳳獨抱濃愁無好夢夜闌猶翦燈花弄

前調

送春

宋媛

朱淑真

樓外垂楊千萬縷欲繫青春少住春還去猶自風前飄
柳絮隨春且看歸何處 滿目山川聞杜宇便做無情
莫也愁人意把酒送春春不語黃昏却下瀟瀟雨

前調

王庭筠

衰柳疎疎苔滿地十二闌干故國三千里南去北來人
老矣短亭依舊殘陽裏 紫蟹黃柑真解事似倩西風
勸我歸歟未王粲登臨寥落際鴈飛不斷天連水

前調

趙可

霜樹重重青嶂小
高棟飛雲正在霜林杪
九日黃花才過了一尊聊慰秋容老
翠色有無睂澹埽
身在西山却愛東山好
流水極天橫
晚照酒闌望斷西河道

前調

景覃

倦客情悰紛似縷
小院無人臥聽秋蟲語
歸意已攬新鴈去
晚涼更作瀟瀟雨
架上秋衣蠅點素
冷菊殘妝尚被春花妒
別有溪山容杖屨
等閒不許人知處

前調

聞鶯有感

段克己

鷓鴣一聲春已曉蝴蝶雙飛暖日明花草花底笙歌猶
未了流鶯又復催春老 早是殘紅枝上少飛絮無情
更把人相惱老檜獨含冰雪操春來悄没人知道

前調

戊辰歲
長安作

元好問

一片花飛春意減雨雨風風常恨尋芳晚若箇花枝偏
入眼尊前細向春風揀 醉裏看花雲錦爛只記鶯聲
不記紅牙板留住佳佳人鸚鵡蓋明朝剩把長條挽

前調

白鹿原
新齋作

元好問

負郭桑麻秋果重十角吳牛分得山田種鄉社鷄豚人
與共春風漸入浮蛆瓮 遠屋清溪醒午夢一榻脩然
坐受雲山供四海虛名將底用一聲啼鳥巖花動

前調

盧 摯

越水涵秋光似鏡泛我扁舟照我綸巾影野鶴閒雲知
此興無人說與沙鷗省 回首天涯江路永遠樹孤邨
數點青山暝夢過煮茶巖下聽石泉鳴咽松風冷

前調

趙孟頫

儂是江南遊冶子烏帽青鞵行樂東風裏落盡楊花春
滿地萋萋芳草愁千里扶上蘭舟人欲醉日暮青山
相映雙蛾翠萬頃湖光歌扇底一聲吹下相思淚

前調

清明前兩
日聞燕

汪宗臣

年去年來來去早怪底不來庭院春光老知向誰家翻
別調家家望斷飛蹤杳千里瀟湘煙渺渺不記雕梁
舊日恩多少逼近清明纔一到故巢猶在朱檐曉

前調

姚雲文

春到海棠花幾信
候館餘寒欲雨征衣潤
燕認杏梁棲
未穩牡丹忽報清明近
恨入青山連曉鏡
香雪柔酥
應被春消盡
繡閣深深人半醒
燭花貼在金釵影

前調

詹正

微雨燒香餘潤氣
新綠恹恹乳燕相依睡
無復卷簾知
客意楊花更欲因風起
舊夢蒼茫雲海際
強作歡娛
不覺當年似曾笑
浮花并浪蕊
如今更惜棠梨子

前調

詹正

日晚遊人酥粉浣四雨亭前面面看花坐扇拂游蜂青
杏墮新紅一路秋千過 簾外清歌簾底和自理琵琶
不用笙簧佐八摺香羅餘碧唾露華點筆輕題破

前調

吳元可

人自憐春春未去萱草石榴也解留春住只到送春無
送處山花落得紅成路 高處鶯啼低蝶舞何況日長
燕子能言語付與光陰相客主晴雲又捲西邊雨

前調

舟行
懷舊

蕭允之

十幅歸帆風力滿
記得來時買酒朱橋畔
遠樹平蕪空
目斷亂山惟見斜陽半
誰把新聲翻玉管
吹過滄浪
多少傷春怨
已是客懷如絮亂
畫樓人更回頭看

前調

劉天迪

一翦清波嬌欲溜
綠怨紅愁長為春風瘦
舞罷金杯睂
黛皺背人倦倚晴牕繡
臉暈潮生微帶酒
催唱新詞
不應頻揺手
閒把琵琶調未就
羞郎還又垂紅袖

前調

周孚先

舟樣津亭何處樹曉起瓏璁回首迷煙樹江上離人來
又去飄零只似風前絮倦倚蓬牕誰共語野草間花
一一傷離緒明日重來須記取綠楊門巷深深處

前調

張翥

陌上垂楊吹絮罷愁殺行人又是春歸也點點飛來珠
淚灑多情解逐章臺馬瘦盡柔絲無一把細葉青頻
閒却當時畫惆悵此時何處寫黃昏澹月疎簾下

前調

張埜

狼藉春衫愁萬點半是征塵半是啼痕
淙別久流光空冉冉料應病頰成雙靨
羅帶同心香未斂甚日蘭舟重把歸妝
檢極目畫樓雲樹掩憑誰翦却吳江險

前調

倪璣

夜永愁人偏起早容鬢蕭蕭鏡裏看
枯槁雨葉鋪庭風為埽閒門寂寞生秋
草行路難行悲遠道說着征途著處皆
煩惱久客還家貧亦好無家漫自傷懷
抱

前調

送春

汪斌

芳草天涯猶未歇
暗綠稀紅柳絮纔飄雪
有意送春還
惜別杜鵑爭奈催歸切
繡閣無人簾半揭
苦憶邊城
十載音書絕
惟有東風無異說
年年來趁梅花月

前調

凌雲翰

過雨春波浮鴨綠
草閣三間人住清溪曲
舊種小桃多
映竹亂紅遮斷松邊屋
有客抱琴穿翠麓
隔水呼舟
應是憐幽獨
歷歷武陵如在目
幾時同借仙源宿

前調

新柳

張雨

誰道鵝兒黃似酒對酒新鵝得似垂絲柳鉛粉泥金初
染就年年春雪消時候 一縷柔情能斷否雨重煙輕
無力縈牕牖試看溪南陰十畝落花都聚紅雲帚

前調

題九月
海棠

明仁宗

煙抹霜林秋欲困吹破顰脂便覺西風潤翠袖怯寒愁
一寸誰家庭院黃昏信 明月修容生遠恨旋摘餘嬌
簪滿佳人鬢醉倚小闌花影近不應先有春風分

前調

閨情

楊基

淨洗胭脂輕掃黛鬪草庭邊自拗梨花戴一段心情空
自愛風流那得時長在屈指春光歸已快不捲珠簾
又恐東風怪花影低將新月礙小闌干外深深拜

前調卜居

楊基

人間何處宜閒住除却桃源便向瀟湘去楊柳桃花千
萬樹不須更覓深深處白鷺輕鷗為伴侶女嫁漁郎
男娶漁翁女已辦綠蓑眠細雨料應天意還相許

前調

蘇堤
春曉

莫璠

十里樓臺花霧繞
宜雨宜晴山色籠
春曉楊柳梢頭殘
月小海棠枝上猶
眠鳥
蘭帳玉人初睡覺
試問樓前
畫舫開多少
報道尋芳人起早
紫騮嘶過香塵道

前調

平湖秋月

莫璠

璧月沉輝湖淥靚
一色琉璃倒湛山
河影
貝闕琳宮明
愈瑩人間無此清
涼境
笑擷芙蓉乘舴艋
醉掬文漪
搖動金千頃
欲喚坡仙同賦詠
桂花露濕衣襟冷

前調

柳浪聞鶯

莫璠

西子湖頭春過半萬樹垂楊洵似波紋亂黃褪綠勻誰
暗換駿遊來繫花驄慣紅喙嬌鶯啼緩緩韻叶笙簧
幾被風吹斷惱亂佳人停鳳管背花偷把春纖按

前調

花港
觀魚

莫璫

杜若浮香春霽雨浪暖桃花錦漲鴛鴦渚碧藻叢深菱
葉底纖鱗吹沫搖蘋尾戲把金鈎垂綠水却憶雕闌
翠袖人同倚腸斷蕭娘無一紙相思欲報憑雙鯉

前調

南屏
晚鐘

莫璫

翠巘深深深幾許佛閣華鐘鯨吼西風裏回首南莊行
樂地暝煙隔斷青蓮宇宴飲芳園人散去金鑰嚴城
次第催將閉一望長橋燈火起絳紗影裏聯歸騎

前調

斷橋殘雪

莫璠

快雪時晴寒尚冱玉屑銀沙紛滿湖南路一道垂虹如
約素裙腰草色非前度斷袂遺環愁日暮想像凌波
羅韞應難步欲探梅花何處所山童指點逋仙墓

前調

雷峰夕照

莫璠

古塔斜陽紅欲暝西崦人家半在桑榆影水映殘霞如
濯錦煙花佛國非凡境十里畫船歸欲盡漁唱菱歌
別是湖中景待月有人樓上等珠簾半卷闌重凭

前調

麴院
荷風

莫璠

五月涼風來麴院綠水芙蓉紅白都開徧風遞荷香清
不斷採蓮舟過歌聲緩醉折碧筒供笑翫翠蓋紅綃
高下翻零亂向晚新涼生酒面六銖衣薄停紈扇

前調

兩峰
插雲

莫璠

南北雙峰雲氣繞玉削芙蓉迴出青天表金碧浮圖瞻
縹緲朱甍繡檻臨黃道下界紅塵飛不到東望彤庭
日出扶桑曉願借謫仙希有烏瑤笙吹上蓬萊島

前調

三潭
印月

莫璠

秋靜寒潭澄見底玉色蟾蜍飛入清冷水睡熟驪龍呼
不起領珠光照冰壺裏譙賞此時能有幾遙憶同歡
今夜人千里試問龍淵深幾許騎驃欲共姮娥語

前調

對月獨
酌二首

吳子孝

雲細晚來翻作雨皎月初升誰埽雲飛去寒露漸零蟲
夜語珠簾捲却香消縷獨坐獨吟杯獨舉寂寞茅堂
無限秋情緒丘壑風流吾自許舉杯邀月天應與

前調

吳子孝

雲妒中天離海月巧掩橫遮雲裏還如雪無客向雲天
上說廣寒常在雲須滅桂子飄香香未歇萬里清輝
共仰琉璣闕畫鼓春雷秋後發玲瓏石畔歌清絕

前調

吳子孝

繡幕玲瓏花影碎好鳥花間報道春光媚紅錦地衣拖
舞袂畫堂日日笙歌沸年少潘郎長得意羅綺生香
坐擁神仙麗萬紫千紅花富貴肯教容易春歸去

前調

吳子孝

菑菑花香來別館華屋巢成高下飛銀翦冰李金盤傳
玉腕瀟湘煙遠屏山遠牕下榴花紅照眼閒並瑤笙
坐對雙蛾淺小院雨餘明月滿良宵不覺更籌短

前調

吳子孝

庭下碧梧飄一葉瀟灑新秋瓊砌鳴蛩切殘暑漸拋團
扇月西風卷盡雲千疊鴈字樓前明又滅滿院天香
是處飛丹雪小苑曉來風景別溪山相映冰壺徹

前調

吳子孝

天氣初寒梅萼小畫閣春多金獸添沉腦錦帳淺斟低
唱好紅顏依舊人難老雪意方濃風料峭百尺瑤臺
雙鶴來蓬島一點陽和傳蕙草玉山愛向金尊倒

前調

吳子孝

畫閣黃昏聞燕語池上風來涼度芭蕉樹可惜閒心無
伴侶美人門外來雙屐血色生綃籠蠟炬酒瀉新荷
便當瓊杯舉滿口清寒流玉縷綠莖香勝金莖露

前調

薛廷寵

綠楊枝上黃鸝小長路闌情花鳥三春了雲水迢迢鄉
夢杳夭桃穠李空開笑江笛一聲天正曉雨色愁人
征騎忙多少紫葍風牽羅帶繞晚來頓覺輕寒峭

前調

吳鼎芳

簾外游絲飛去了打疊閒愁斷送啼鶯曉一曲畫闌銀
月小玳牀人倦殘香杳生怕金鈴催宿鳥叫過三更
月與花都少斜倚博山幽恨悄雙眉做就堆煩惱

前調

春日

陳子龍

雨外黃昏花外曉催得流年有恨何時了燕子又來春
漸老亂紅相對愁眉埽午夢闌珊歸路杳醒後思量
踏徧閒庭草幾度東風人意惱深深院落芳心小

前調

三月晦遊
東郊松林

孫茂芝

落盡棠梨春已暮芳草多情才過濛濛雨柳絮顛狂飛
不住秋千正在濃陰處廟口神絃初罷舞畫扇輕衫
隨意城東步笑逐鈿車歸去路酒香一行青松樹

前調

桂影

明媛
朱盛藻

寶魄初臨青玉樹萬疊穠陰一點窺人處笑印參差睂
黛譜暈灰學畫檀深注庭轉金波疑漸曙鸞尾偏棲
乍怯霓裳露待到深秋金粟吐輕裾又襲幽芬暮

前調

柳影

朱盛藻

永日三眠顰較嫵困態初舒莫遣紅妝妒自有明珠生
遠浦舞低恍向樓心覷拂地長條誰是主露下芙蓉
只恐難留住好趁煙光凝地護交枝漫鎖長門路

前調

薇影

朱盛藻

亞朶蒙茸聞暮雨池水空明倒寫如紅霧百日芳菲香
漸布三番屈指看三五禁院仙郎傳伴侶瞥覩如花
省識難憑據綺閣輕陰須記取玉纖指處篩金縷

前調

明媛

張倩倩

漠漠輕陰籠竹院
細雨無情淚濕霜花面
落葉西風吹不斷
長溝流盡殘紅片
千徧相思纔夜半
又聽樓前叫過傷心鴈
不恨天涯人去遠
三生緣薄吹簫伴

前調

詠蝶

明媛

沈靜專

舞向低檐依嫩綠
翠冷天涯影斷吹愁續
幻就雲衣飛態足
粉煙浥露枝頭浴
風動猶疑翻紫玉
引得佳人悞入花陰撲
靜斂香鬢還自宿
蜂媒覓伴仍相促

前調

沈靜專

遠樹披煙翻翠縷
繡粉生香寒月梨花露
柳蕩雲輕春半暮
殘陽流影低花塢
枝上嬌鶯猶解憇
草綠簾陰生啓愁
歸路搏就芳華天
可悞悲歌又把年
光度

御選歷代詩餘卷四十

欽定四庫全書薈要

御選歷代詩餘卷四十一目錄

賀聖朝

又一體

歐陽炯

前調

又一體

歐陽炯

玉堂春

晏殊

三首

南樓令 又一體

吳文英

繫裙腰 又一體

張先

撥棹子 又一體

黃庭堅

前調 又一體

黃庭堅

河傳又一體

黃庭堅

好女兒又一體

楊慎

定風波又一體

歐陽炯

閻選

李珣五首

歐陽修六首

張先五首

蘇軾八首

黃庭堅五首

葛勝仲

葉夢得四首

陳與義

曾覲

辛棄疾
二首

張孝祥

陸游

趙君舉

吳子孝

前調
又一體

蘇軾

十拍子

晏殊

五首

晏幾道

蘇軾

辛棄疾

程垓

陸游

趙善扛

吳子孝

蘇幕遮

范仲淹

梅堯臣

張先

蘇軾

王觀

周紫芝

二首

周邦彥

三首

方千里

楊澤民

劉基

明月逐人來

李持正

張元幹

臨江仙

又一體

晏幾道

贊成功

毛文錫

攤破南鄉子

程垓

趙長卿

趙秉文

劉基

金蕉葉

又一體

卷四十一 金
柳永

好女兒

又一體

晏幾道

二首

賀鑄

三首

落燈風

楊慎

御選歷代詩餘卷四十一目錄

欽定四庫全書薈要卷二萬七百十九

集部

御選歷代詩餘卷四十一

一起六十一字
至六十二字

賀聖朝

又一體雙調
六十一字

賀聖朝

歐陽炯

憶昔花間初識面紅袖半遮妝臉輕轉石榴裙帶故將
纖纖玉指偷撚雙鳳金線碧梧桐鏤深深院誰料得
兩情何日教繾綣羨春來雙燕飛到玉樓朝暮相見

前調 又一體

歐陽炯

憶昔花間相見後，只憑纖手暗拋紅豆。人前不解巧傳心事，別來依舊辜負春晝。碧羅衣上，感金繡、覩對對鴛鴦空裊。淚痕透，想韶顏非久，終是為伊，只恁偷瘦。

玉堂春

雙調六
十一字

玉堂春

晏殊

帝城春暖，御柳暗遮空苑。海燕雙雙拂颺，簾櫳女伴相

攜共繞林間路折得櫻桃揷髻紅
昨夜臨明微雨新
英徧舊叢寶馬香車欲傍西池看
觸處楊花滿袖風

前調

晏殊

後園春早殘雪尚濛烟草數樹寒梅欲綻香英小妹無
端折盡釵頭朶滿把金尊細細傾
憶得往年同伴沉吟無限情
惱亂東風莫便吹零落惜取芳菲眼下明

前調

晏殊

斗城池館二月風和煙煖繡戶珠簾日影初長玉轡金

鞍繚繞沙堤路幾處行人映綠楊
小檻朱欄回倚千
花濃露香脆管清絃欲奏新翻曲
依約林間坐夕陽

南樓令

又一體即唐多令
雙調六十一字

南樓令

吳文英

何處合成愁離人心上秋縱芭蕉不雨也颼颼却道晚
涼天氣好有明月怕登樓
年事夢中休花空煙水流
燕辭歸客尚淹留垂柳不繫裙帶住謾長是繫行舟

繫裙腰

又一體雙調
六十一字

繫裙腰

張先

清霜蟾照夜雲天
朦朧影畫勾欄
人情縱似長情月
算一年年又能得幾番圓
欲寄西江題葉字
流不到五亭前
東池始有荷新綠
尚小如錢
問何日藕幾時蓮

撥棹子

又一體雙調
六十一字

撥棹子

黃庭堅

歸去來歸去來攜手舊山歸去來有人共對月尊壘橫
一琴甚處逍遙不自在 閒世界無利害何必向世間
甘幻愛與君釣晚煙寒籟蒸白魚稻飯溪童供筍菜

前調

又一體

黃庭堅

烟姿媚冰容薄芳蕖嫩隱映新萍池閣擷英人去後清
香微綻透真珠簾幕 似無語含情垂綵佩戲芳陰游
許纖鱗相託西風直須愛惜看看濃艷伴秋光零落

河傳

又一體雙調六十一字自五十一字始體各
參差不同唐五代詞為多此則始於宋人也

河傳

戲易少
游作

黃庭堅

心情老嬾對歌對舞猶是當時眼巧笑靚妝近我衰容
華髮似扶着賣卜算思量好箇當年見催酒催更只
怕歸期短影散燈稀背鎖落花深院好煞人天不管

好女兒

又一體雙調六十一字
與別名繡帶兒者迥別

好女兒

楊慎

柳似腰肢月似蛾眉看千嬌百媚堪憐處有紅拂當筵
金蓮襯步玉筍彈碁心事一春誰問同心結斷腸詞
歎雙魚不見征鴻遠蕉心綠展櫻脣紅滿梅子黃時

定風波

又一體雙調
六十二字

定風波

歐陽炯

暖日閒窓映碧紗小池春水浸晴霞數樹海棠紅欲盡

爭忍玉閨深掩過年華
獨凭繡牀方寸亂腸斷淚珠
穿破臉邊花鄰舍女郎相借問音信教人羞道未還家

前調

閻選

江水沉沉帆影過遊魚到晚透寒波渡口雙雙飛白鳥
煙裊蘆花深處隱漁歌扁舟短棹歸蘭浦人去蕭蕭
竹徑透青莎深夜無風新雨歇涼月露凝珠顆入圓荷

前調

李珣

志在煙霞慕隱淪功成歸看五湖春
一葉舟中吟復醉

雲水此時方認自由身
花島為鄰鷗作侶
深處經年
不見市朝人已得希夷微妙旨
潛喜荷衣蕙帶絕纖塵

前調

李珣

十載逍遙物外居
白雲流水似相於
乘興有時携短棹
江島誰知求道不求魚
到處等閒邀鶴伴
春岸野花
香氣撲琴書
更飲一杯紅霞酒
回首半鉤新月貼清虛

前調

李珣

又見辭巢燕子歸
阮郎何事絕音徽
簾外西風黃葉落

池閣隱莎蛩叫雨霏霏
愁坐算程千萬里頻跋等閒
經歲兩心違聽鵲憑龜無定意不至淚痕流在畫羅衣

前調

李珣

簾外煙和月滿庭此時閒坐若為情小閣擁衾殘酒醒
愁聽寒風落葉一聲聲惟恨玉人芳信阻雲雨屏帷
寂寞夢難成斗轉更闌心杳杳將曉銀釭斜照綺琴橫

前調

李珣

鴈過秋空夜未央隔窗煙月鏤蓮塘往事豈堪容易想

惆悵故人迢遞在瀟湘
縱有迴文重疊意誰寄解鬟

臨鏡泣殘妝沉水香消金鴨冷
愁永候蟲聲接杵聲長

前調

歐陽修

把酒花前欲問他對花何
悵醉顏酡春到幾人能爛賞
何況無情風雨等閒多
艷樹香叢都幾許朝暮惜紅

愁粉奈情何好是金船浮玉浪
相向十分深送一聲歌

前調

歐陽修

把酒花前欲問伊
忍嫌金盞負春時
紅艷不能旬日看

宜算須知開謝只相隨
蝶去蝶來猶解戀難見回頭

還是度年期莫候飲闌花已盡方信無人堪與補殘枝

前調

歐陽修

把酒花前欲問公對花何事訴金鍾為甚去年春盛處
虛度鶯聲撩亂一場空
今歲春來須愛惜難得湏知
花面不長紅待得酒醒君不見千片不隨流水即隨風

前調

歐陽修

把酒花前欲問君世間何計可留春縱使青春留得住

虛語無情花對有情人
任是好花須落去自古紅顏
能得幾時新暗想浮生何事好惟有清歌一曲倒金尊

前調

歐陽修

過盡韶華不可添小樓紅日下層簷春睡覺來情緒惡
寂寞楊花撩亂拂珠簾
早是閒愁依舊在無奈那堪
更被宿醒兼把酒送春惆悵甚長恁年年三月病懨懨

前調

歐陽修

對酒追歡莫負春春光歸去可饒人昨日紅芳今綠樹

已暮殘花飛絮兩紛紛
粉面麗姝歌窈窕清妙尊前
一任醉醺醺不是狂心貪燕樂自覺年來白髮滿頭新

前調

張先

素藕抽條未放蓮晚蠶將繭不成眠若比相思如亂緒
何異兩心俱被暗絲牽
暫見欲歸皆是恨莫問有情
誰信道無緣正是中秋雲外月皎潔不團圓待幾時圓

前調

張先

碧玉篴扶墜
髻雲杏黃衫子退
紅裙妝樣巧將花草競

相並要教人意勝於春
酒眼茸茸香拂面乍見丹青

寧是鏡中真自是有情偏小小向道江東誰信更無人

前調

贈楊內翰元素

張先

浴殿詞臣亦議兵禁中頗牧党羌平詔卷促歸難自緩
溪館綠花千數酒泉清
春草未青秋葉暮客去一家
行色萬家情可恨黃鶯相識晚望斷湖邊亭上不聞聲

前調

送子瞻

張先

談辨纔疎堂上兵畫船齊岸暗潮平萬乘韉袍曾好問

須信文章傳口齒牙清 三百寺應遊未徧還算湖山
風物豈無情不獨渠丘歌叔度行路吳謠終日有餘聲

前調

雪溪
席上

張先

西閣名臣奉詔行南牀吏部錦衣榮中有瀛仙賓與主
相遇平津選首更神清 溪上玉樓同宴喜歡醉對堤
杯葉惜秋英盡道賢人聚吳分試問也應傍有老人星

前調

蘇軾

兩兩輕紅半暈腮依依獨為使君回若道使君無此意

何為雙花不向別人開
但看低昂煙雨裏不已勸君
休訴十分杯更問尊前狂副使來歲花開時節與誰來

前調

沙湖道中遇雨

蘇軾

莫聽穿林打葉聲何妨吟嘯且徐行竹杖芒屨輕勝馬
誰怕一蓑煙雨任平生料峭春風吹酒醒微冷山頭
斜照却相迎回首向來蕭灑處歸去也無風雨也無晴

前調

括杜牧詩

蘇軾

與客携壺上翠微江涵秋影鴈初飛塵世難逢開口笑

年少菊花須插滿頭歸
酩酊但酬佳節了雲嶠登臨
不用怨斜暉古往今來誰不老多少牛山何必淚沾衣

前調

蘇軾

莫怪鴛鴦繡帶長腰輕不勝舞衣裳薄倖只貪遊冶去
何處垂楊繫馬恣輕狂花謝絮飛春又盡堪恨斷絃
塵管伴啼妝不信歸來但自看怕見為郎憔悴却羞郎

前調

送元
素

蘇軾

千古風流阮步兵平生遊宦愛東平千里遠來還不住

歸去空留風月照人清
紅粉尊前深懊惱知道怎生

留得許多情記得明年花絮亂須看泛西湖是斷腸聲

前調

墨竹

蘇軾

雨洗娟娟嫩葉光
風吹細細綠筠香
秀色亂侵書幌晚
簾卷清陰微過酒尊涼
人畫竹身肥
擁腫何用先生

落筆勝蕭郎
記得小軒岑
寂夜廊下月和疎影上東牆

前調

後六
客詞

蘇軾

月滿苕溪照夜堂
五星一老鬪光芒
十五年間真夢裏

何事長庚對月獨淒涼
綠鬢蒼顏同一醉還是六人

吟嘯水雲鄉
賓主談鋒誰得似
看取曹劉今對兩蘇張

前調

王定國
歌兒

蘇軾

常羨人間琢玉郎
天教分付點酥娘
自作清歌傳皓齒
風起雪飛炎海變清涼
萬里歸來顏愈少
微笑時時

猶帶嶺梅香
試問嶺南應不好
却道此心安處是吾鄉

前調

次高左
藏韻

黃庭堅

萬里黔中一漏天
屋居終日似乘船
及至重陽天也霽

催醉鬼門關近蜀江前
莫笑老翁猶氣岸君看幾人
白髮上華顛戲馬臺前追兩謝
馳射風情猶拍古人肩

前調

黃庭堅

把酒花前欲問溪
問溪何事晚聲悲
名利往來人盡老
誰道溪聲千古有休時
且共玉人斟玉醕
休訴笙歌
一曲黛眉低情似長溪
長不斷君看水聲東去月輪西

前調

黃庭堅

小院難圖暮雨期
清歡渾待賞花時
到得春來君却去

相誤不須言語淚雙垂
密約尊前難囑付偷顧手搓
金橘斂雙眉庭榭清風明月媚
須記歸時莫待杏花飛

前調

黃庭堅

歌舞闌珊褪晚妝
主人情重更留湯冠帽敝斜辭醉去
還住玉人纖手自磨香
又得尊前聊笑語如許短歌
宜舞小紅裳寶馬促歸朱戶
閑人睡夜來應恨月侵牀

前調

黃庭堅

牆上天桃簌簌紅
巧隨輕絮入簾櫳
自是芳心貪結子

翻使惜花人恨五更風
露萼鮮濃妝臉靚相映隔年

情事此門中粉面不知何處在
無奈武陵流水捲春空

前調

葛勝仲

共喜新涼大火流一聲水調聽歌頭
況有修蛾無粉領
佳景謝公興不礙清遊
平昔短檠真浪漫氣岸老來
都向酒杯收雲水光中修禊事
猶記轉頭不覺已三秋

前調

始見
青梅

葉夢得

破萼初驚一點紅
又看青子映簾櫳
冰雪肌膚誰復見

清淺尚餘疎影照晴空
惆悵年年桃李伴腸斷祇應

芳信負東風待得微黃春亦暮煙雨半和飛絮作濛濛

前調

葉夢得

渺渺空波下夕陽睡痕初破水風涼過雨歸雲留不住
何處遠村煙樹半微茫
莫笑經年人老矣歸計得遲
留處也何妨老子興來殊不淺簾捲更邀明月坐空牀

前調

葉夢得

千步長虹跨碧流兩山浮影轉螭頭付與詩人都總領

風景更逢仙客下瀛洲
嫋嫋涼風吹汗漫平岸遙空

新卷絳河收却怪嫦娥
真好事須記探支明月作中秋

前調

葉夢得

斜漢初看素月流
坐驚金餅出雲頭
華髮蕭然吹素領
光景何妨分付屬滄洲
莫待霜花飄爛漫
蘋岸更憑佳句盡
拘收解與破除
消萬事猶記一尊同
得二年秋

前調

重陽

陳與義

九日登高有故常
隨晴隨雨一傳觴
多病題詩無好句

孤負黃花今日十分黃
記得眉山文翰老曾道四時
佳節是重陽江海滿前懷古意誰會闌干三撫獨淒涼

前調

賞牡丹席
上走筆

曾覲

上苑穠芳初雨晴香風嫋嫋泛軒楹猶記洛陽開小宴
嬌面粉光依約認傾城
流落江南重此會相對金蕉
蘸甲十分傾怕見人間春更好向道如今老此尚多情

前調

暮春
漫興

辛棄疾

少日春懷似酒濃插花走馬醉千鍾老去逢春如病酒

惟有茶甌香篆小簾攏
卷盡殘花風未定休恨花開
原自要春風試問春歸誰得見飛燕來時相遇夕陽中

前調

賦杜鵑花

辛棄疾

百紫千紅過了春杜鵑聲苦不堪聞却解啼教春小住
風雨空山招得海棠魂
恰似蜀宮當日女無數猩猩
血染赭羅巾畢竟花開誰作主記取大都花屬惜花人
前調

張孝祥

鈴索收聲夜未央起尋花影步迴廊莫道嶺南冬更暖

君看梅花如雪月如霜
見說牆西歌吹好窈窕玉人
遶座勸飛觴老子婆婆成獨冷誰省自挑寒炷自添香

前調

進賢道上見
梅贈王伯壽

陸游

歌帽垂鞭送客回小橋流水一枝梅忙裏逢春都不記
誰謂幽香却解逐人來
安得身閒頻置酒攜手與君
看到十分開少壯相從今雪鬢因甚流年羈恨兩相催

前調

趙君舉

不是無心惜落花
落花無意戀春華
昨日盈盈枝上笑

誰道今朝吹去落誰家 把酒臨風千種恨難問夢回
雲散見無涯妙舞清歌誰是主回顧高城不見夕陽斜
前調

吳子孝

陣陣東風變物華小園春色爛無涯二月已深纔有杏
相映一枝紅艷插烏紗 花遇開時堪宴樂滿酌祇因
花好早還家世上浮雲皆是累何事平章長負一欄花

前調

又一體

蘇軾

好睡慵開莫厭遲自憐冰臉不宜時偶作小紅桃杏色

閒雅尚餘孤瘦雪霜姿 休把閒心隨物態何事酒生
微暈隱瑤肌詩老不知梅格在吟詠更看綠葉與青枝

十拍子

一名破陣子本唐教坊樂以此詞一
唱十拍因以名調雙調六十二字

十拍子

晏殊

燕子來時新社梨花落後清明池上碧苔三四點葉底
黃鸝一兩聲日長飛絮輕 巧笑東鄰女伴采桑徑裏
逢迎疑怪昨宵春夢好元是今朝鬪草羸笑從雙臉生

前調

晏殊

海上蟠桃易熟人間好月長圓惟有擘釵分鈿侶離別
長多會面難此情須問天 蠟燭到明垂淚熏爐盡日
生煙一點淒涼愁絕意謾道秦箏有勝絃何曾為細傳
前調

晏殊

燕子欲歸時節高樓昨夜西風求得人間成小會試把
金尊傍菊叢歌長粉面紅 斜日更穿簾幕微涼漸入
梧桐多少襟懷言不盡寫向蠻箋曲調中此情千萬重

前調

晏殊

憶得去年今日黃花已滿東籬曾與玉人臨小檻共折
香英泛酒卮長條插鬢垂人貌不應遷換珍叢又覩
芳菲重把一尊尋舊徑所惜光陰去似飛風飄露冷時

前調

晏殊

湖上西風斜日荷花落盡紅英金菊滿叢珠顆細海燕
辭巢翅羽輕年年歲歲情美酒一杯新熟高歌數闋
堪聽不向尊前同一醉可奈光陰似水聲迢迢去未停

前調

晏幾道

柳下笙歌庭院花間姊妹秋千記得青樓當日事寫向
紅窓夜月前憑誰寄小蓮絳蠟等閒陪淚吳蠶到了
纏綿綠鬢能供多少恨未肯無情比斷絃今年老去年

前調

蘇軾

白酒新開九醞黃花已過重陽身外儻來都似夢醉裏
無何即是鄉東坡日月長玉粉旋烹茶乳金螯新擣
橙香強染霜髭扶翠袖莫道狂夫不解狂狂夫老更狂

前調

辛棄疾

宿麥畦中雉雊柔桑陌上蠶生騎火須防花月暗玉兔
長攜彩筆行隔牆人笑聲莫說弓刀事業依然詩酒
功名千載圖中今古事萬石溪頭長短亭小塘風浪平

前調

程垓

小小紅泥院宇深深翠色屏幃簇定熏爐酥酒軟門外
東風寒不知恰疑三月時釵影半敲綠子歌聲輕度
紅兒醉裏不愁更漏斷更要梅花看幾枝起來霜月低

前調

陸游

看破空花塵世放教昨夢浮名蠟屐登山真率飲筇杖
穿林自在行身閒心太平料峭餘寒猶力廉纖細雨
初晴苔紙閒題溪上句菱唱遙聞煙外聲與君同醉醒

前調

趙善扛

柳絮飛時綠暗荼蘼開後春酣花外青帘迷酒思陌上
晴光收翠嵐佳辰三月三解珮人逢遊女踏青草闌
宜男醉倚畫欄欄檻北夢遶清江江水南飛鸞與共驂

前調

吳子孝

莎徑都無塵土槐池小學蓬瀛畫閣簾垂修竹映翠岫
雲迷曲澗縈香燒聞玉笙雨霽雲翻花影月明鶴和
泉聲水隔塵凡千尺碧天付清閒兩鬢青釣臺人不爭

蘇幕遮

一名鬢雲鬆雙調六十二字蘇幕遮本西域婦人
飾唐呂元濟言渾脫駿馬胡服名曰蘇幕遮張說
有蘇幕遮詩云是海西歌舞蓋本其國
舞人之飾後隸教坊因以名詞調也

蘇幕遮

范仲淹

碧雲天紅葉地秋色連波波上寒煙翠山映夕陽天接
水芳草無情更在斜陽外黯鄉魂追旅思夜夜除非
好夢留人睡明月樓高休獨倚酒入愁腸化作相思淚

前調

梅堯臣

露堤平煙墅杳亂碧萋萋雨後江天曉獨有庾郎年最
少翠地春袍嫩色宜相照接長亭迷遠道堪怨王孫
不記歸期早落盡梨花春又了滿地殘陽翠色和煙老

前調

張先

柳飛絲花萼少鏤板音清淺發江南調斜日兩竿留碧
草馬足重重又近青門道去塵濃人散了回首旗亭
漸漸紅裳小莫訝安仁頭白早天若有情天也終須老

前調

詠選
仙圖

蘇軾

暑籠晴風解愠雨後餘清暗襲衣裾潤一局選仙逃暑
困笑指尊前誰向清霄近整金杯輪玉筍鳳駕鸞車
誰敢爭先進重五休言陞最緊縱有碧油到了輸堂印

前調

王觀

儘思量還耐耐為甚當時故故相招買早是幽歡多障
礙更遣分飛脉脉如天外 有心憐無計奈兩處厭厭
一點虛恩愛獨上小樓臨暮靄凭暖朱闌此意無人會

前調

周紫芝

水傍邊山盡處喚取雲來共我山頭住分得一江風共
雨滿院芙蓉更聽紅妝舞 趁霜晴間獨步那裏煙村
有箇梅花樹小徑斜穿來又去醉後知他有甚青雲路

前調

周紫芝

老相邀山作伴千里西來始識廬山面愛酒揚雄渾不
管天與鄰翁來慰窮愁眼似驚鴻吹又散畫舸橫江
望斷江南岸地角天涯無近遠一闋清歌且放梨花滿

前調

周邦彥

隴雲沉新月小楊柳梢頭能有春多少試着羅裳寒尚
峭簾捲青樓占得東風早翠屏深香篆裊流水落花
不管劉郎到三疊陽關聲漸杳斷雨殘雲只怕巫山曉

前調

周邦彥

鬢雲鬆眉葉聚一闌離歌不為行人駐檀板停時君看
取數尺鮫綃半是梨花雨鷺飛遙天尺五鳳閣鸞坡
看即飛騰去今夜長亭臨別處斷梗飛雲盡是傷情緒
前調

周邦彥

燎沉香銷溽暑鳥雀呼晴侵曉窺檐語葉上初陽乾宿
雨水面青圓一一風荷舉故鄉遙何日去家住吳門
久作長安旅五月漁郎相憶否小楫輕舟夢入芙蓉浦
前調

方千里

扇留風冰却暑夏木陰陰相對黃鸝語薄晚輕陰還閣
雨遠岸煙深彷彿菱歌舉燕歸來花落去幾度逢迎
幾度傷羈旅油壁西陵人識否好約追涼小樣簾葭浦

前調

楊澤民

日烘晴風却暑簾幕中間紫燕呢喃語嫩竹新荷初沐
雨曲檻幽軒四面明窓舉夏初臨春又去不願封侯
祇怕為羈旅溪上故人無恙否欲唱菱歌發棹歸南浦

前調

劉基

雨蕭蕭風嫋嫋柔夢相牽不覺春窓曉鴈到衡陽回去
了鏡裏離鸞獨對琴臺老 楚天長秦樹杳山蹙愁眉
江學迴腸繞滿地蒼煙連碧草弱水三千人隔蓬萊島
明月逐人來

雙調六

十二字

明月逐人來

李持正

星河明澹春來深淺紅蓮正滿城開徧禁街行樂暗塵
香拂面皓月隨人近遠 天半鰲山光動鳳樓西觀東

風靜珠簾不捲玉輦待歸雲外聞絃管認得宮花影轉

前調

張元幹

花迷珠翠香飄羅綺簾旌外月華如水暖紅影裏誰會
王孫意最樂昇平景致長記宮中五夜春風鼓吹遊
仙夢輕寒半醉鳳幃未暖歸去濃熏被更問陰晴天氣

臨江仙

又一體雙調
六十二字

臨江仙

晏幾道

東野亡來無麗句，于君去後少交親。
近思往事好沾巾。
白頭王建在，猶見詠詩人。
學道深山空自老，留名千載不干身。
酒筵歌席莫辭頻，爭如南陌上，占取一年春。
贊成功

雙調六

十二字

贊成功

毛文錫

海棠未拆，萬點深紅。香色絨結一重重，似含羞態，邀勒春風。
蜂來蝶去，任遠芳叢。昨夜微雨，飄灑庭中，忽聞

聲滴井邊桐美人驚起坐聽晨鐘快教折取戴玉瓏璁
攤破南鄉子

雙調六十二字一名青杏兒一名似娘兒亦名促拍山花子

攤破南鄉子

程垓

休賦惜春詩留春住說與人知一年已負東風瘦說愁
說恨數時數刻只望歸期莫怪杜鵑啼真箇也喚得
人歸歸來休恨花開了梁間燕子且教知道人也雙飛

前調

趙長卿

橘綠與橙黃近小春已過重陽晚來一霎霏微雨單衣
漸覺西風冷也無限情傷孤館最淒涼天色兒不耐
恹惶離愁一枕燈殘後睡來不是行行坐坐月在迴廊
前調

趙秉文

風雨替花愁風雨罷花也應休勸伊莫惜花前醉今年
花謝明年花謝白了人頭乘興兩山甌揀溪山好處
追遊但教有酒身無事有花也好無花也好選甚春秋

前調

劉基

獨自倚闌干西風起玉宇清寒夜深月轉長河曲踈螢
度竹吟蛩依草涼露漙漙間把素琴彈冰絃上商冷
宮殘萬牛不挽東流水悠悠碧落茫茫雲海疊疊憂端

金蕉葉

又一體雙調
六十二字

金蕉葉

柳永

厭厭夜飲平陽第添銀燭旋呼佳麗巧笑難禁艷歌無
間聲相繼準擬幕天席地金蕉葉泛金波霽未更闌

已盡狂醉就中有箇風流暗向燈光底惱徧兩行珠翠
好女兒

又一體雙調
六十二字

好女兒

晏幾道

綠徧西池梅子青時儘無端盡日東風惡更霏微細雨
惱人離恨滿路春泥應是行雲歸路有閒淚灑相思
想旗亭望斷黃昏月又依前誤了紅箋香信翠袖歡期

前調

晏幾道

酌酒殷勤儘更留春忍無情便賦餘花落待花前細把
一春心事問箇人人莫似花開還謝願芳意且常新
倚嬌紅待得歡期定向水沉煙底金蓮影下睡過佳辰
前調

賀鑄

車馬匆匆會國門東信人間自古銷魂處指紅塵此道
碧波南浦黃葉西風候館娟娟新月從今夜與誰同
想深閨獨守空牀思但憑占鏡鵲悔分釵燕長望書鴻

前調

賀鑄

才色相憐難偶當年屢逢迎幾許纏綿意記秋千架底
擣菰局上祓禊池邊收貯一春幽恨細書徧研綾箋
算蓬山未抵屏山遠奈碧雲易合彩霞深閉明月光圓

前調

賀鑄

綺繡張筵粉黛爭妍記六朝舊數閨房秀有長圓璧月
永新瓊樹隨步金蓮不減麗華標韻更能唱想夫憐
認情通色授纏綿處似靈犀一點吳蠶八繭漢柳三眠
落燈風


調始於楊慎以詞中首句
名之也雙調六十二字

落燈風

楊慎

柳外落燈風乍起
杏靨梅鈿紛墮
蕊彩架閣秋千紅繩
緊香塵滿地春一分休矣
銀塘初暖前裙水催暮愁
蘭舟遙擡沽酒趁梨花
聽雙歌溫柔鄉裏且住為佳耳

御選歷代詩餘卷四十一



總校官庶吉士臣張能照

校對官庶吉士臣陳墉

膳錄貢生臣于飛熊